



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2010. GODINU HRVATSKE STRANKE PRAVA DR. ANTE STARČEVIĆ BIH

Broj: 03-07-6-195/11
Sarajevo, 26. septembar 2011. godine

SADRŽAJ

1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE.....	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske stranke prava dr Ante Starčević BiH za 2010. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Hrvatska stranka prava dr Ante Starčević BiH nije ispoštovala odredbe člana 11. stav (1), stav (3) i stav (4) Zakona o finansiranju političkih stranaka jer nije uspostavila potpune i adekvatne evidencije o svim prihodima i rashodima, finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka i nije dostavila dodatnu finansijsku dokumentaciju Centralnoj izbornoj komisiji BiH.**
- 2. Hrvatska stranka prava dr Ante Starčević Bosne i Hercegovine prekršila je odredbe člana 15.1 stav (1) Izbornog zakona BiH i člana 11. stav (2) Zakona o finansiranju političkih stranaka.**

Pregledom, odnosno kontrolom finansijskog izvještaja, osim gornjih napomena pod 1. i 2., nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka niti na finansiranje troškova izborne kampanje suprotno odredbama člana 15.10 Izbornog zakona BiH.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatske stranke prava dr Ante Starčević BiH za 2010. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska stranka prava dr Ante Starčević BiH iskazala je prihode u ukupnom iznosu od 5.000,00 KM, što se vidi iz sljedeće tabele:

Red. br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	5.000,00	100,00 %
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ukupni prihodi:	5.000,00	100,00 %

Prema podacima iz godišnjeg finansijskog izvještaja Hrvatska stranka prava dr Ante Starčević BiH iskazala je rashode u ukupnom iznosu od 5.000,00 KM.

2. PREDSTAVLJANJE POLITIČKE STRANKE

Naziv političke stranke: Hrvatska stranka prava dr Ante Starčević BiH. Skraćeni naziv političke stranke: HSP dr Ante Starčević BiH.

Politička stranka je registrovana 21.12.2009. godine u Općinskom sudu u Širokom Brijegu, pod brojem: 064-0-Reg-09-001138.

Sjedište političke stranke je u Širokom Brijegu, Trg Ante Starčevića bb.

Lica ovlaštena za zastupanje stranke su: Blago Kraljević, predsjednik stranke i Tihomir Čužić, dopredsjednik.

Stranka u godišnjem finansijskom izvještaju nije navela lice ovlašteno za podnošenje finansijskih izvještaja za 2010. godinu.

Prema podacima iz godišnjeg finansijskog izvještaja stranka nema organizacione dijelove nižeg nivoa (entitetske, kantonalne, opštinske).

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske stranke prava dr Ante Starčević BiH za 2010. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Hrvatska stranka prava dr Ante Starčević BiH u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

Obim pregleda i kontrole finansijskih izvještaja Hrvatske stranke prava dr Ante Starčević BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih lica.

4. PRETHODNE KONTROLE I REVIZIJE

Kontrola finansijskih izvještaja Hrvatske stranke prava dr Ante Starčević BiH se obavlja prvi put.

5. NALAZI I PREPORUKE

5.1. NALAZI

- a) **Na osnovu obavljenog pregleda godišnjeg finansijskog izvještaja i kontrole dodatne finansijske dokumentacije, utvrđeno je da Hrvatska stranka prava dr Ante Starčević BiH nije postupala u skladu sa odredbama člana 11. stav (1) i stav (3) Zakona o finansiranju političkih stranaka¹.**
- Stranka je prekršila odredbe člana 9. Pravilnika o godišnjim finansijskim izvještajima političkih stranaka jer u obrascu 1, *Opći podaci o političkoj stranci*, nije unijela lice ovlašteno za podnošenje finansijskih izvještaja stranke u 2010. godini. U skladu sa članom 9. Pravilnika stranka je obavezna u finansijski izvještaj unijeti sve podatke o političkoj stranci na koju se finansijski izvještaj odnosi, za čiju tačnost je odgovoran predsjednik političke stranke ili drugo ovlašteno lice, koje svojim potpisom ovjerava obrazac².
 - Kontrolom finansijske dokumentacije vezane za promet transakcijskog računa, koji se iskazuje na obrascu 2, *Pregled prometa svih transakcijskih računa političke stranke*, utvrđeno je da je

¹ Političke stranke vode evidenciju o svojim prihodima i rashodima. Politička stranka je obavezna da Centralnoj izbornoj komisiji Bosne i Hercegovine podnese finansijski izvještaj za svaku kalendarsku godinu (računovodstvenu godinu). Do 31.03. naredne godine političke stranke podnose finansijski izvještaj u formi koju odobri Centralna izborna komisija Bosne i Hercegovine. Ovaj izvještaj sadrži podatke utvrđene Izbornim zakonom. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.

² U obrazac 1, *Opći podaci o političkoj stranci*, unose se svi podaci o političkoj stranci na koju se finansijski izvještaj odnosi, i to: a) naziv političke stranke pod kojim je registrirana kod nadležnog suda, b) skraćeni naziv, c) sjedište, adresa, telefon, faks, e-mail adresa, d) identifikacioni broj dobiven od nadležnog poreskog organa, e) šifra djelatnosti, f) sud u kojem je izvršena registracija, g) broj i datum upisa u sudski registar, h) broj zaposlenih u stranci, i) lica ovlaštena za zastupanje stranke: ime i prezime, dužnost u stranci i adresa, j) ovlašteno lice za finansijske izvještaje: ime prezime, adresa i telefon, k) da li stranka ima organizacione dijelove nižeg nivoa.

stranka prekršila odredbe člana 11. stav (1) Zakona o finansiranju političkih partija, jer je evidentirala finansijski prihod od priloga fizičkog lica uplaćen na transakcijski račun stranke u manjem iznosu za 110,00 KM, čime su i ukupni prihodi stranke umanjeni za navedeni iznos³. Ukupan promet ulaza transakcijskog računa iskazan je u manjem iznosu za 10,01 KM, a ukupan promet izlaza iskazan je u manjem iznosu za 18,07 KM.

- Na osnovu navedenog utvrđeno je da je stranka prekršila odredbe člana 11. stav (3) Zakona o finansiranju političkih partija, jer finansijski izvještaj nije popunila u skladu sa članom 11., članom 13. i članom 14. Pravilnika o godišnjim finansijskim izvještajima političkih stranaka.
- Kontrolom izvoda transakcijskog računa, utvrđeno je da je stranka prekršila odredbe člana 11. stav (1) Zakona o finansiranju političkih partija, jer nije evidentirala rashode po osnovu provizije banke u iznosu od 18,00 KM, čime su i ukupni rashodi stranke umanjeni za navedeni iznos⁴.
- Na osnovu navedenog utvrđeno je da je stranka prekršila odredbe člana 11. stav (3) Zakona o finansiranju političkih partija, jer finansijski izvještaj nije popunila u skladu sa članom 20. i članom 21. Pravilnika o godišnjim finansijskim izvještajima političkih stranaka.

b) Hrvatska stranka prava dr Ante Starčević BiH nije postupala u skladu sa odredbama člana 11. stav (4) Zakona o finansiranju političkih stranaka⁵.

- Centralna izborna komisija BiH je aktom broj 03-07-6-195-4/11 od 27.06.2011. godine od ove političke stranke zatražila da dostavi dodatnu finansijsku dokumentaciju vezanu za poslovanje stranke putem blagajne u 2010. godini. Hrvatska stranka prava dr Ante Starčević BiH nije postupila po zahtjevu, niti po urgenciji za dostavljanje dodatne dokumentacije akt broj 03-07-6-195-5/11 od 20.07.2011. godine, čime je prekršila odredbe člana 11. stav (4) Zakona o finansiranju političkih stranaka.

c) Hrvatska stranka prava dr Ante Starčević BiH je prekršila odredbe člana 15.1 stav (1) Izbornog zakona BiH i člana 11. stav (2) Zakona o finansiranju političkih stranaka.

Uvidom u službene evidencije, utvrđeno je da Hrvatska stranka prava dr Ante Starčević BiH nije Centralnoj izbornoj komisiji Bosne i Hercegovine dostavila finansijski izvještaj za period od dana podnošenja prijave za ovjeru za izbore do dana ovjere rezultata izbora, čime je prekršila odredbe člana 15.1 stav (1) Izbornog zakona BiH⁶ i člana 11. stav (2) Zakona o finansiranju političkih stranaka. Naime, u skladu sa navedenim članom Zakona o finansiranju političkih stranaka, politička stranka dužna je podnijeti poseban finansijski izvještaj za period izborne propagande na način utvrđen Izbornim zakonom BiH.

Troškovi predizborne kampanje

Hrvatska stranka prava dr Ante Starčević BiH nije dostavila finansijski izvještaj za period od dana podnošenja prijave za ovjeru za izbore do dana ovjere rezultata izbora. Prema podacima iz godišnjeg finansijskog izvještaja HSP dr Ante Starčević BiH za 2010. godinu, stranka nije imala troškova izborne kampanje.

³ Izvodi transakcijskog računa broj 338-220-2257-007117 kod Unicredit Bank dd broj 2 od 20.05.2010. godine, izvod broj 3 od 31.05.2010. godine, izvod broj 4 od 04.06.2010. godine, izvod broj 5 od 30.06.2010. godine i izvod broj 9 od 30.09.2010. godine.

⁴ Izvodi transakcijskog računa broj 338-220-2257-007117 kod Unicredit Bank dd broj 1 od 19.05.2010. godine i broj 8 od 09.09.2010. godine

⁵ Sva lica koja su dužna da podnesu izvještaj moraju da podnesu i dodatne izvještaje koje Centralna izborna komisija BiH zatraži.

⁶ U skladu sa navedenim članom u roku od 30 dana od dana objavljivanja izbornih rezultata u Službenom glasniku BiH, politička stranka dužna je podnijeti i finansijski izvještaj za period od dana podnošenja prijave za ovjeru za izbore do dana ovjere rezultata izbora.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM⁷ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Hrvatska stranka prava dr Ante Starčević BiH je u svrhu izborne kampanje mogla da potroši 13.070,80 KM.

5.2. PREPORUKE

Preporučuje se Hrvatskoj stranci prava dr Ante Starčević BiH da se pridržava odredbi Zakona o finansiranju političkih stranaka i Izbornog zakona BiH, a posebno na osnovu uočenih nedostataka se preporučuje:

- *da u skladu sa članom 11. stav (1) Zakona o finansiranju političkih stranaka uspostavi pravilne i potpune evidencije o svim prihodima i rashodima,*
- *da u skladu sa članom 11. stav (2) Zakona o finansiranju političkih stranaka i poglavljem 15 Izbornog zakona BiH, podnosi Centralnoj izornoj komisiji Bosne i Hercegovine finansijske izvještaje u roku i na način utvrđen ovim Zakonima,*
- *da finansijske izvještaje podnosi Centralnoj izornoj komisiji Bosne i Hercegovine u skladu sa odredbama člana 11. stav (3) Zakona o finansiranju političkih stranaka, odnosno u formi propisanoj Pravilnikom o godišnjim finansijskim izvještajima političkih stranaka i*
- *da u skladu sa odredbama člana 11. stav (4) Zakona o finansiranju političkih stranaka, dostavlja i druge izvještaje o finansijskom poslovanju na zahtjev Centralne izborne komisije BiH.*

KOMENTAR

U ostavljenom roku, Hrvatska stranka prava dr Ante Starčević Bosne i Hercegovine nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2010. godinu, koji je dostavljen stranci 18.08.2011. godine.

Mr. Hasida Gušić, šef Službe za reviziju

Nevenko Andan, revizor

Amela Batuša, pomoćnik revizora

⁷ Član 15.10 stav (2) Izbornog zakona BiH, propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.